



CONVÈNI DE COLLABORACION ENTER ETH CONSELH GENERAU D'ARAN E ERA ENTITAT MUNICIPAU DESCENTRALIZADA DE BAGERGUE ENTARA MELHORA DER ENTORN NATURAU ENA PARCÈLA CONEISHUDA COM CAMPALIAS.

Vielha, signat electronicament

AMASSADI

D'un biais, era Mgfca. Sra. Maria Vergés Pérez, sindica d'Aran, damb DNI num. 41.096.883-T, en vertut deth nomentament amiat ena session plenària de 21 de junh de 2023, deriven es sues facultats der article 29.2 dera Lei 1/2015, de 5 de hereuèr, deth Regim Especiau d'Aran, e facultat entad aquest acte en concrèt mejançant acòrd deth Conselh de Govèrn de 20 de mai de 2024, actue en nòm e representacion deth Conselh Generau d'Aran, damb demorança ena Plaça d'Aran, 1-2 de Vielha e CIF P-7500011-G, assistida pera secretària dera Corporacion, era senhora Yolanda Amieíl Sangüesa, que balhe fe der acte.

D'aute biais, eth president dera Entitat Municipau Descentralizada de Bagergue, eth Sr. Sergio Hinojosa Morales, damb DNI num. 45723166-V, en vertut deth nomentament amiat ena session dera Junta de data 17 de juny de 2023, deriven es sues facultats der article 21.b) dera Lei 7/1985 de 2 d'abriu, Reguladora des Bases de Regim Locau en relacion damb er article 53.1.a) deth Decrèt legislatiu 2/2003, de 28 d'abriu, que s'apròve entà eth Tèxte Refòs dera Lei Municipau e de Regim Locau de Catalonha. Facultat exprèssament entad aquest acte per acòrd de Junta de data 11 de junh de 2024, en tot actuar en nòm e representacion dera entitat, assistit peth secretari-interventor-tresorer dera entitat eth Sr. Mariano Capdevila Noguero, que balhe fe der acte.

Es parts se reconeishen recipròcaments capacitat legau de besonh pr'amor d'autrejar eth present convèni, e coma antecedents

MANIFÈSTEN

I. Qu'era EMD de Bagergue ei interesada ena melhora e adequacion d'ua zòna verda damb eth fin de crear un espaci agradiu e segur entàs mès petiti, un espaci de esbarjo e ludic entà toti.

Eth terren objècti d'aquesta accion se place en un pròpri entorn entà desvolopar aquest projècte, a causa dera sua situacion estrategica se tròbe en un tram d'entrada deth nucli ath costat dera glèsia Sant Fèlix, ena parcèla damb referéncia cadastrau num. 25233A002006530000IT Poligon 2 Parcèla 653.



II. Qu'era EMD de Bagargue a premanit ua memòria avalorada entà quantificar eth còst d'execucion d'aguesta òbra de melhora der entorn naturau. Eth còst d'aguesta intervencion puge a ua quantitat de dètz-e-nau mil cinc cents dus euros damb catorze centims (19.502,14 €) imposti incluidi.

III. Qu'eth Conselh Generau d'Aran, coma institucion representatiua, de govèrn e d'administracion d'Aran, cre qu'ei de besonh era melhora des espacis naturaus en Aran coma mesura de potenciacion d'Aran coma destinacion toristico-naturau.

IV. Qu'eth Conselh Generau d'Aran, conscient der esfòrç amiat a tèrme pera EMD de Bagargue vò colaborar economicament en eth finançament d'aguesta actuacion, coma mesura de supòrt as EMDs d'Aran e de desenvolopament socioeconomic de Bagargue e eth Naut Aran.

Per tot aço, andues parts, de comun acòrd e en tot reconeisher-se plea capacitat entad aquest acte, soscriuen aquest convèni, e

ACÒRDEN

Prumèr.- Objècte deth convèni

Eth Conselh Generau d'Aran collaborarà damb era EMD de Bagargue en eth finançament des òbres de melhora der entorn naturau ena parçèla coneishuda com Campalias, que a un pressupòst de dètz-e-nau mil cinc cents dus euros damb catorze centims (19.502,14 €) imposti incluidi, cossent damb era clausula següenta.

Dusau.- Aportacion economica

Eth Conselh Generau d'Aran se compromet a balhar supòrt economic ath projecte de melhora der entorn naturau ena parçèla coneishuda com Campalias, que a un pressupòst de dètz-e-nau mil cinc cents dus euros damb catorze centims (19.502,14 €) imposti incluidi, damb un maxim de **nau mil sèt cents cinquanta euros (9.750,00€)** damb cargue ara partida pressupostària 2024/01.170.762.08 deth Conselh Generau d'Aran deth pressupòst generau vigent. A despriet d'açò, se era justificacion des despenes non arthenh aguesta quantitat maxima, era collaboracion economica deth Conselh Generau d'Aran se redusirà enquiara quantitat efectivament justificada. Aquesta quantitat aurà de suposar coma maxim eth 50% deth pressupòst executat.

Tresau.- Justificacion

Era EMD de Bagargue aurà de justificar, abantes deth 30 de seteme de 2024, dauant deth Conselh Generau d'Aran, era realizacion dera actuacion en tot presentar era documentacion següenta:



1. Aportacion de factures o documents acreditatius de despenes dera actuacion subvencionada.
2. Certificacion deth compliment dera normatiua vigenta en matèria de contractacion administratiua e deth finançament consolidat dera actuacion subvencionada.
3. Documents acreditatius dera publicitat deth Conselh Generau d'Aran coma entitat collaboradora en projècte subvencionat.
4. Pagament des factures corresponentes ara actuacion executada.

Era EMD de Bahergue autorize damb era signatura d'aguest document ath Conselh Generau d'Aran a sollicitar dera Agencia Estatal de Administración Tributaria, dera Tesorería General de la Seguridad Social e dera Agència Tributària de Catalunya es donades relatiues ath compliment des requisits establidi entà obtier, percéber e mantier era subvencion autrejada peth Conselh Generau d'Aran entà finançar es activitats qu'amie a tèrme.

Quatau.- Vigéncia

Era vigéncia d'aguest convèni s'establís des dera data dera sua signatura enquiara sua corrècta justificacion, qu'aurà d'èster abans deth 30 de seteme de 2024.

Cincau.- Natura

Eth present Convèni de collaboracion entre eth Conselh Generau d'Aran e era EMD de Bagergue, a natura administrativa e se regís ena sua interpretacion e desenvolopament per ordenament juridic administratiu, damb expressa sosmission des parts ara Jurisdiccion Contenciosa Administrativa.

Siesau.- Transparéncia

Es entitats signatàries d'aguest Convèni s'obliguen a dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en qué les sigue aplicable.

Setau.- Interpretacion e causes de resolucion

- 1) En cas que quinsevolha des parts, dauant d'ua circumstància non prevista, considerèsse de besonh introdusir bèra modificacion en aquerò que s'a convengut, ac meterà en coneishement immediat dera auta part entà establir de mutuau acòrd era solucion mès avienta.
- 2) Seràn causes de rescission auançada d'aguest convèni es següentes:



- Era impossibilitat subervenguda, legau o materiau, de dar compliment as sues clausules per quinsevolha des parts.
- Er incompliment per quinsevolha des parts, des compromisi aqueridi en convèni, sense causa de justificacion, exceptat des causes de fòrça major.
- Per mutuau acòrd des parts signantes que s'expressarà per escrit.

E, en pròva de conformitat, andues parts signen aquest Convèni per exemplar duplicat, en lòc e data remercadi ena entèsta.

Maria Vergés Pérez
Sindica d'Aran
Conselh Generau d'Aran

Sergio Hinojosa Morales
Alcalde
EMD de Bagèrgue

Yolanda Amiell Sangüesa
Secretària accidentau
Conselh Generau d'Aran

Mariano Capdevila Noguero
Secretari-interventor-tesorer
EMD de Bagèrgue